



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆ
ԱՇԽԱՏԱԿԱԶՄԻ ՕՐԻՆԱԿԱՆՈՒԹՅԱՆ ՎԵՐԱՀՍԿՈՂՈՒԹՅԱՆ
ՏԵՍՉՈՒԹՅՈՒՆ**

0010 Երևան, Վ. Սարգսյան 3/8, հեռ. /010/ 59-41-41

ՈՐՈՇՈՒՄ

Վարչական տույժ նշանակելու մասին

30.09.2016թ.

ք.Երևան


ՀՀ ԱՆ աշխատակազմի օրինականության վերահսկողության տեսչության (այսուհետ՝ Տեսչություն) պետ Միքայել Մինասյանս՝ ուսումնասիրելով «Տիգրան Մեծ» բարեգործական հիմնադրամի (գրանցման համար՝ 222.160.747564, (այսուհետ՝ Հիմնադրամ) տնօրենի Ժ/պ Սրապիոն Գևորգյանի կողմից Տեսչության պետի՝ վարչական տույժ «Նախազգուշացում» կիրառելու մասին որոշման պահանջը չկատարելու կապակցությամբ 13.09.2016թ.-ին, հարուցված վարչական վարույթի նյութերը.

ՊԱՐԶԵՑԻ

Տեսչության պետի 03.06.2016թ.-ի որոշմամբ Հիմնադրամի տնօրենի Ժ/պ Սրապիոն Գևորգյանի նկատմամբ «Հիմնադրամների մասին» ՀՀ օրենքի 39-րդ հոդվածի պահանջները չկատարելու համար, համաձայն՝ Վարչական իրավախախտումների վերաբերյալ ՀՀ օրենսգրքի (այսուհետ՝ Օրենսգրք) 169¹⁸-րդ հոդվածի 1-ին պարբերության, նշանակվել է վարչական տույժ՝ «Նախազգուշացում»: Նույն որոշմամբ Հիմնադրամի տնօրենի Ժ/պ Սրապիոն Գևորգյանը նախազգուշացվել է նաև, որ վերջինս պարտավոր է որոշումն ստանալու օրվանից երեսուն օրվա ընթացքում ՀՀ արդարադատության նախարարի 2009թ. դեկտեմբերի 24-ի թիվ 319-Ն հրամանով սահմանված կարգով՝ Հիմնադրամի 2015թ. գործունեության մասին հաշվետվությունը հրապարակել ՀՀ հրապարակային ծանուցումների պաշտոնական ինտերնետային կայքում (այսուհետ՝ www.azdarar.am կայք) և այդ մասին ծանուցել Տեսչությանը:

Տեսչության պետի 03.06.2016թ.-ին վարչական տույժ «Նախազգուշացում» կիրառելու մասին որոշումը, Օրենսգրքի 283-րդ հոդվածով սահմանված կարգով, 06.06.2016թ.-ին ուղարկվել է Հիմնադրամի իրավաբանական հասցեով (ՀՀ, Արմավիրի մարզ, գ., Բերքաշատ 1-ին փող., տ. 3), սակայն 22.06.2016թ.-ին նամակը հետ է վերադարձել՝ «գյուղում չէ» գրառմամբ:

Օրենսգրքի 283-րդ հոդվածի 4-րդ պարբերության համաձայն՝ «Եթե անձի (որին ուղարկվել է որոշումը) հայտնած հասցեով ուղարկված որոշումը վերադարձվել է, կամ ծանուցման փաստը չի հաստատվել, կամ հասցեատերը հրաժարվել է ստանալ պատշաճ կարգով ուղարկված (հանձնվող) որոշումը և ստորագրել հրաժարվելու մասին, ապա որոշումն ուղարկվում է այդ անձի հաշվառման հասցեով (եթե անձի հայտնած հասցեն



տարբերվում է նրա հաշվառման հասցեից) և տեղադրվում Հայաստանի Հանրապետության հրապարակային ծանուցումների պաշտոնական ինտերնետային կայքում: Այն դեպքերում, երբ որոշումն ուղարկվում է անձի հաշվառման հասցեով և տեղադրվում Հայաստանի Հանրապետության հրապարակային ծանուցումների պաշտոնական ինտերնետային կայքում, որոշումը համարվում է հանձնված (պատշաճ ծանուցված) որոշումն ինտերնետային կայքում տեղադրելու օրվան հաջորդող երրորդ օրը»:

Հիմք ընդունելով Օրենսգրքի 283-րդ հոդվածի 4-րդ պարբերությունը և հաշվի առնելով այն հանգամանքը, որ Հիմնադրամի տնօրենի ժ/պ Սրապիոն Գևորգյանի հաշվառման հասցեն Հիմնադրամի իրավաբանական հասցեն է, ուստի Տեսչության պետի 03.06.2016թ.-ին վարչական տույժ «Նախազգուշացում» կիրառելու մասին որոշումը 05.08.2016թ.-ին տեղադրվել է www.azdarar.am կայքում: Սակայն հրապարակման օրվանից հաշվարկված երեսուն օրվա ընթացքում Հիմնադրամի Հաշվետվությունն օրենքով սահմանված կարգով և ժամկետներում չի հրապարակվել www.azdarar.am կայքում, ինչը առաջացնում է վարչական պատասխանատվություն Օրենսգրքի 169¹⁸-րդ հոդվածի 2-րդ պարբերությամբ:

Տեսչության պետի կողմից հարուցված վարչական վարույթի շրջանակներում Օրենսգրքի 255-րդ հոդվածով նախատեսված վարչական իրավախախտում կատարելու մասին արձանագրություն կազմելու նպատակով Հիմնադրամի տնօրենի ժ/պ Սրապիոն Գևորգյանը հրավիրվել է Տեսչություն: Նշվածի վերաբերյալ Օրենսգրքի 283-րդ հոդվածի 4-րդ պարբերությամբ 14.09.2016թ.-ին ուղարկվել է վերջինիս հաշվառման հասցեին և տեղադրվել է www.azdarar.am կայքում, սակայն գործի քննության ժամանակի և վայրի մասին ծանուցված լինելով, Սրապիոն Գևորգյանը չի ներկայացել լսումներին:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 169¹⁸-րդ հոդվածի 2-րդ պարբերությամբ, 223¹-ին հոդվածով և 282-րդ հոդվածի 1-ին մասով.

ՈՐՈՇԵՑԻ

1. «Տիգրան Մեծ» բարեգործական հիմնադրամի տնօրենի ժ/պ Սրապիոն Գևորգյանի (անձնագիր՝ AK0376641, հասցե՝ Արմավիրի մարզ, գ. Բերքաշատ, 1-ին փող., տ. 3) նկատմամբ նշանակել վարչական տուգանք՝ 50.000 ՀՀ դրամի չափով:

2. «Տիգրան Մեծ» բարեգործական հիմնադրամի տնօրենի ժ/պ Սրապիոն Գևորգյանը նախազգուշացնել որոշումն ստանալու օրվանից **երեսուն օրվա** ընթացքում հիմնադրամի 2015թ. գործունեության մասին հաշվետվությունը հրապարակել www.azdarar.am կայքում և արդյունքների մասին ծանուցել Տեսչությանը՝ կից ներկայացնելով վարչական տույժի՝ ՀՀ պետական բյուջե (հաշվեհամար՝ 900005242111) վճարված լինելու հանգամանքը հիմնավորող փաստաթուղթը կամ դրա պատճենը:

3. Սույն որոշումն ուժի մեջ է մտնում վարույթի մասնակցին այն հանձնելուն հաջորդող օրվանից և կարող է բողոքարկվել վերադատության կարգով ՀՀ արդարադատության նախարարին երեսունօրյա ժամկետում կամ օրենքով սահմանված կարգով և ժամկետում ՀՀ վարչական դատարան:

ՏԵՍՉՈՒԹՅԱՆ ՊԵՏ՝



ՄԻՔԱՅԵԼ ՄԻՆԱՍՅԱՆ